



für den Stein / heilet
auch bald alte Wun-
den / faule Schäden/
mit andern Wund-
kräuttern verplastes
ret.

Garb Wasser.

Das Kraut vnd
Stengel mit einander
gehacket im Ende des
Meyens. Morgens
nüchtern getruncken
vier Loth / vnd damit
das Herz / vnd das
Grüblin / da des Mas-
gens Mund steht ges-
salbet / erwärmet
den erkaltten Magen.

Auch getruncken / benimpt die Spülwärm im Bauch/
vnd wer sein Farb verlohren hette / von übrigem blu-
ten / heilet auch Wunden / Abends vnd Morgens dars
mit gewäschen.

Majoran.

Majoran ist heiß vnd trucken im dritten Grad.
Hat grosse Krafft zu wärmen die innerlichen
Glieder / weicht auch das Miltz / vnd nimpt
die Geschwulst davon. Gesotten vnd getrun-
cken / nimpt hin die Wassersucht / macht wol Harnen
wärmet den Magen / macht wol Däwen / nimpt dars
mit die Schwindsucht. In Laug gesotten vnd ge-
zwagen / benimpt groß Hauptwehe / vnd Fantasey /
gut dem Hirn / nimpt Verstopffung der Glieder / den
Tropff / vnd Fallendsucht. Aber in Wasser gesotten
den Dampf vnden auff gelassen / reiniget die Mutter.

Majoran

Von allerhand Arzney/



Majoran gesotten
vnd zu trincken ge-
ben denen so anfahen
wasserüchtig zu wer-
den ist gut. Dienet
auch denen / so nicht
Harnen mögen / vnd
Leibwehe habē / treib-
bet den Stein. Auch
über den Magen ges-
legt / stärcker / vnd
nimpt das Wehe / in
die Speiß gethan /
machts wol schmeckē /
ist gesund dem zer-
schwollenen Miltz /
gessen / darüber ges-
truncken / vnd darüber
gelegt. Zeilet auch

Scorpion biß mit Essig vnd Salz gestossen / darüber
gelegt.

Majoran Wasser.

Die Blätter vom Stamm gestreiff / vnd gebrandt /
im Ende des Meyens. Gestrunden Morgens vnd
Abends auff drey Loth / vnd das Haupt damit bestri-
chen / ist gut dem erkalten Haupt / treibet den Harn vnd
reissenden Stein / stärcker vnd wärmer die erkalte Mut-
ter / bringet den Frauen ihre zeit / vertreibt das Weiß /
vnd stärcker die Mutter. Gut für den Schlag / bringet
wider die verlohrene Sprach / oft im Mund gehalten /
bringet Gedächtnuß / stärcker das Hirn vnd Haupt.
Gestrunden / vnd damit bestrichen / stärcker das Herz /
zertheilet die bösen Feuchung vmb die Brust / vertrei-
bet böse flüß des Haupts / vnd den Schnuppen.